

T 4996/8257 (54)

實按之而不能

此書



多聞聞闕疑慎言其餘則寡尤多見闕殆慎行其餘餘則寡悔

言寡尤行寡悔

合言行而交致其巧功可即尤悔而實微其寡矣夫言行交盡為事

者不敢遽云寡尤悔也然至言行交盡之後尤悔不亦自此寡哉

且吾儒立志於有為必先立身於無過顧泛求而之不克密其功即

實按之而不能精其詣夫惟盡其切已之傷而心無弗密乃能去

其畢生之累而動罔不臧故殫其功不敢逞志於有為而核其詣
固已置身於無過也師亦知學之道乎今夫學必以聞見為資以
疑殆為戒以言行為衡以寡尤悔為斷而亦思言果何為而寡尤
行果何為而寡悔也哉存固陋之心而其言訕存躁忘之心而其
言粗存輕世肆志之心而其言又悖淺陋者率於放誕者狂心不
密而言日疏則招尤甚也無補學之心而行易歧無明辨之心而
行是易雜無擇善之執之心而行又易荒恃才者驕私智者鑿斯
心不誠而行日偽則後悔滋多矣必也多聞闕疑焉夫理散於兩間
無以聚之則已陋理統於一貫無以析之則不精而又非謂其餘
之遂可以言也慎之而寡尤之道在矣是必也多見闕殆焉夫事必
統統其同斷以獨則妄妄事必剖其異狃於眾則偏而又非謂其餘
之可以行也慎之而寡悔之道在此矣若此者博文以明理即約

禮以制心。而言不過浮。庶幾於斯世免愆之集。積學以課心。即欽
心以就範。而行無過失。乃真於方寸。消悔吝之萌。則甚矣。言寡尤
行寡悔之難也。而吾乃轉思失慎。言行之功。切按夫寡尤悔之詣。
必皇皇焉。豫擬一寡過之方。而始慎言行。冀致功於旦暮。此心已
駁而不純。不知寡尤悔者。歷驗之而漸覺其甘。實切求之之。而屢
行其苦也。從言道行修之後。而始獲幸免於口實之求。夫乃知學
之不敢有躁心者。至是始言有物而行有恒。爾必竊竊焉。日擬一
快心之境。而思以寡尤悔者。寬責備於居恒。此念已浮而不實。不
知寬寡尤悔者。勉求之而漸行其易。實刻勵之而彌覺其難也。從
言坊行表之餘。而始能勉於內心之疾。夫乃知學之未敢以問世
者。至是始言可揚而行可學。舉爾不言祿而祿其中矣。師其勉諸。

賦得砥礪廉隅

得隅字五言八韻

立品由來貴。端嚴素行孚。功原深砥礪。學每飭廉隅。詎有稱
為士。而令誚不觚。琢磨新露穎。正直舊垂模。匪石心難轉
如圭德豈渝。以
况不利。所欲本無踰。矩自因時合。身還與
道俱。莫嫌丰采峻。

聖代重醇儒。